

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,

manè discutienda in Scholis Medicorum, die Jovis duo-decimo mensis

Januarii, anno Domini M. DCC. LXXV.

M. ANTONIO CHAUMONT SABATIER.

Doctore Medico, Præfide.

An à globulosa sanguinis parte ad cutem appellentis, Æthiopum color?

I.



CIENTIÆ beneficio homo ab homine differt. Hic certi si quid reperias, illic ambigua, dubia, incerta quàm plurima; quidquid agas, hoc stabit inconcussum. Medicam artem aspice, nihil ipsa necessarium magis, nihil ipsius objecto clarius, nihil sine superius. Certa sanè ac permulta ex propriis Medicinæ principiis deduces. Horum ope præfens servatur sanitas, restituitur amissa. Hunc scopum attingere ambienti, quot labores! Experientiæ filo ducatur

ars, ita ut mutuas sibi præsent manus, ars usu firmetur, usus arte dirigatur. Errant tamen, inquiunt, & melioris notæ Medici; nec Dii sunt. Invicem pugnantiæ proponunt, fuso sistematurn obnubilantur Medicinæ præcepta, quid ad Medicinæ certitudinem? Musfitas? His acuitur ingenium, majora molitur, cuncta stricte trutinâ pensitantur; ex his par Medicinæ ac alterius scientiæ emolumentum. Naturæ penetralia adire altiusque scrutari Medicum decet, Physico-Medici tunc partes agit. Nul- lum nisi Physicis congruens ratiociniis admittit sistema. Autopsiæ nec repugnet quod circa animalem versatur œconomiam. Hoc animo Æthiopum coloris causam inqu- re, varias expende opiniones, unam statue, experimentis ac ratiociniis firma. Natu- ræ ludibrium cutis colorem inattentus ne existimes, multigenam potius obstu- pesce varietatem. Albo Europei, nigro Æthiopes, flavo Sinæ, rubro Caribæ co- lore tinguntur. Albidiore adhuc splendore nitent Angli. Differunt à Gallis Hiipa- ni, hi à Lusitanis: cuique genti suus à naturâ infusus est color. Non minus colo- re quàm ingenio à se invicem discrepant variarum regionum incolæ: non mens eadem, non vultus idem, non color unus. Stupendi Nigritarum, seu Æthiopum, coloris causam ancipitem reddit opinionum diversitas; Tot enim capita tot sensus.

II.

ÆTHIOPUM nomen si requiras, à Græcis ipsum desume, à verbo *αἴθρῃ* cremo, & *ὀφθαλμῷ*, quod significat oculum, faciem vel aspectum; torrentur enim perenni solis aspectu, ac vicinitate. Æthiopes à Cain, Adam filio primogenito,



*Hanc opi-
nionem con-
futat de
re literaria
virbene me-
ritus De
Totomine
Reg. Sc.
Acad. Soc.

propter fratricidium, nigris tincto coloribus originem trahere, sunt qui autumant *;
ast absit facris obverfa codicibus opinio. A tribus Noe filiis omne disseminatum
fuit genus humanum. An ex Chanaan maledicto ortum ducant, credere nefas;
alia tuit ipsius posteris inflicta poena, servitus. Alii ex peculiaribus principis fan-
guini commixtis huncce erunt colorem. Nigritarum sanguis exploratus, idem ac
Europeorum. Alii ex actione imaginationis matris in foetum, nigritici causam tra-
hunt. Quaedam pragnans statum nigram Aegyptam, naso complanato, vidisse dici-
tur, parem peperit infantem. Isto ab aliis viso homine multi nigri nati sunt: inde
populus postea emergit. Talis opinio stare nequit. Ex recentiori Physicâ nul-
lam adesse matris in foetum imaginationis actionem, probantia desumuntur argu-
menta. Spissum nigrumque succum cuticulam inter & corpus reticulare effusum,

* Malpighi.

nigritudinis causam accusat celeberrimus Anatomista * : Stat claudo pede hæc sen-
tentia; talis succus gratis supponitur, nullis demonstratur experimentis. Piæ alîs
caput extollere videtur eorum opinio qui partim in hepate, partim per cutis vasa
bilem fecerni supponunt, quæ lîteri speciem, ut dicunt, Nigri producere valet.
Hanc nigram esse asserunt, sed quid ad rem? Ubique terrarum missimè vacat ope-
ribus bilis, nigritiemque semper acquirit, diuturnam trahens in cistide fellea mo-
ram. Economîæ animali congrua magis statuatur hypothesis. Humani corporis
partes ab humoribus quibus irrorantur, colorem mutuari, omnium partium lotio,
inflammatio, icterus, morbi, metus, iræ, lætitiæ effectus evincunt. Talis color
qualis humor, inquit Hypocrates; at quot modis fluidorum mutatur indoles,
totidem variant solida, cibo, potu, climate &c. Constans Phænomenon causæ ne
fugaci tribuas: omnis regionis incolarum idem integumentorum apparatus, eadem
valorum distributio, ast non æqualis diameter. Perennem humorum deviationem
in retis cutanei vasculis adjuvat aut arect; devii enim sunt humores quocies locum
lymphæ cutanei occupat pars sanguinis rubra. Amplior hic, strictior illuc obser-
vatur diameter. In populis albo tinctis serosam partem admittunt illa vasa, in nigritis
verò sanguinem propriè dictum salino-sulphureis scetum moleculis. Ancepsne hæres?
certior fiat mens ad Nigritarum naturam, sciat & conditionem paulisper atten-
ta. Ea est ut subdeurente celo vitam degentes ipsius, fere nudi, actioni exponan-
tur. Inde cutis magis dilatantur vasa: ad extremam usque cutis superficiem pro-
pellitur sanguis. Probant partium corporis, ignis ardori expositarum, maculæ ru-
bræ, ne dicam nigræ. Probant & rusticarum æstivo tempore solaribus radiis con-
tinuò deustæ facies, manus, & aliæ corporis partes, ardorem solis perpessæ, ad ni-
gritici speciem tendentes. Duris, nec fere interruptis vacant operibus Æthiopes, in-
de subtilioris transpiratorii humoris copiosius effluvium, à vasorum dilatatione ita
adjutum, ut crassiore hujusce humoris materiâ, sanguini ad cutem appellenti, im-
miscendâ, huncque humorem pinguem Nigritarum cuti adhærentem, formandâ,
remanente, subtilior omnino avolet & eliminetur. Ad id operis conferunt etiam ali-
menta plerumque salina ac farinacea: pane veluti endemio vescuntur. Quis enim
ignorat radicem cuiusdam plantæ, (Maniok) cuius succus à naturâ suâ venenum,
arte fieri cibum Æthiopibus frequentiore (Cassave.) Variis piperum speciebus
sua coniunt alimenta; spirituosos ebibunt liquores: hinc juxta fluidorum morem
perniciori agitantur motu corporis liquores, minima ac tenuissima promiscuè su-
bunt vasa, eaque quo tinguntur insciant colore. Vasorum parietes cum humo-
ribus nnum & idem fiunt, nec mirum: exemplo sunt pulli rubi nutriti, quorum
ipsamet ossa colore rubro insigniuntur.

III.

ÆTHIOPUM cutis vasa facili negotio sanguinis impulsui cedere, hic pro-
bare non abs re erit. Corporis involucrem cutis, triplici constat membrana-
rum serie, cute propriè dictâ, corpore reticulari, & Epidermide seu cuticula, In

tricatissimo fibrillarum tendinearum, membranarum, nervearum & vascularium textu componitur cutis. Ex extremis nervorum cutaneorum filamentis, penicillorum ad instar, in superficie cutis externa protractis, papillæ exurgunt, quæ dicuntur nervæ. Cutem quasi horridam reddunt, diversisque in partibus inæqualiter crassam: tactus organum ex his deducas papillis. Extrema arteriarum venarumque capillamenta retis in modum disposita per totam distribuuntur cutis peripheriam, papillarum interstitia replent, vasculare rete seu corpus reticulare constituunt. Ita exilia sunt illa vasa ut humori tantum seroso ac tenui devehendo sint destinata. Epidermis seu cuticula intus lævis, extrinsecus squammulis seu lamellis coherentibus instructa, cutis efflorescentia papillarumque extensio habetur. Corpori reticulari firmissimè adhæret; à materiâ ex papillis cutaneis pluyente hanc oriri affirmant Anatomici. * Tenuissimæ telæ speciem exhibet epidermis, organum tactus temperat. * Winslev. Eam diaphanam omnino esse ne existimes: Æthiopum cuticula contrarium edocet; leum tamen ad cutis nitorem ac lævitatem symbolum confert. Ast à nimia cutis Æthiopum laxitate, luxuriorem enim ipsis, sic & Septentrionalibus populis striciori cutis compagem esse apud omnes constat, facilius in ipsis vascula impetus sanguinis depromatur. Ab humoribus retis vascula percurrentibus cutis colorum modificatio: mutari colores à mutata vasorum mole, figura, verbo fluidorum & solidorum à variâ superficie ex Physicis certum; nihil enim est color, quam radiorum luminis in corporis alicujus superficiem incidentium, & inde diversimodè reflexorum effectus. Quidquid ergo mutabit superficiem, mutabit & reflexionem. Diversimodè ergo afficitur visus organum à radiis luminis effluviis mobilissimis, summe elasticis, ac subtilibus è sole jugi fluxu dimanantibus: Quot refracti radii, quot reflexi, convergentes, aut divergentes ab auctâ aut imminutâ resistantiâ! Ast superficiem solidorum mutat humorum deviatio, inde Nigritarum coloris perennis causa; dubitas? Tegumenta Nigritarum scrutare.

I. V.

CLAUDI Claudos gignunt. Gibbosi Gibbosos procreant, à myopibus Myopes generantur, lue veneræ infecti veneræ labe contactos pariunt infantes. Arthritico dolore laborantes ex arthriticis nascuntur; hic ocellis à cæteris distingui Sinas, illic à forti fortem, ab imbelli imbellem, ducere originem animadvertimus, variisque vultus lineamentis hujus vel illius familiæ principes noscuntur. Sic jure hereditario varias corporis animique dotes patiuntur mortales: quid mirum ergo Nigritam ex Nigritâ nasci; quid mirum filios iisdem dispositionibus ac parentes fieri participes, quæ rerum non-naturalium usu & actione augentur ac foveantur. Quâ lege quoque mechanismo traducantur hæ dispositiones, hoc opus, hic labor. Quod ope humoris ovum tempore generationis fecundantis, solidorum communicentur morbi, illud, inter arcana, quæ sibi soli servavit Deus, merito repones. Degenerem fieri necessum esse Æthiopum eo, lorem frigidiorem cum incolunt regiones ex eo præcisè pater quod eodem sub celo non vivant, non eundem solis patiantur æstum. Frigore constriquantur vasorum extrema; non iisdem nutriuntur esculentis; non tam vividus humorum motus. Ex constrictione vasorum minori quantitate avolat limpha, majori copiam immixta reliquo sanguini manet; sanguinis rubræ parti minor conceditur aditus; variat superficies, mutatur color. Eâdem de causa manuum palmarum plantarumque pedum à cæteris corporis partibus discrepantia. A laboribus oblitescant pori cutis, obdurescantque partes, ita ut soli limphæ sit transitus. Ast undenam hominum mulorum color? Sic appellatur à nigro & albâ, vel vice versa, orta progenies. Ex vasa cutis diametro inæqualibus mixtus sit color, utriusque parentis in ipsis vasa emergunt, unde quid tertium ex utroque pendens exurgit: pars vasorum ex nigro desumpta appellenti cedit sanguini, dum ex albâ mutuat tubuli ipsius coacti relinquantur.

QUIDNAM Æthiopum morbi denunciant præter motum in humoribus maxime acceleratum: sunt plerique Tetanici; a nimio spirituum animalium in nervos influxu Tetanos. Ab accelerato humorum motu jugis ille aliquod per tempus in musculos colli & dorsi succi nervei appulsus, unde contractio. Ex eadem fonte ipsorum ad venerem effrænata propensio. A minimo morbo splendida abraditur nigredo. Ex mixtâ cum sanguine bile buxi induunt colorem Nigritæ, ne dum ab ipsa nitidior evadat nigrities, nec amissum recuperant nitorem ni prius omnino bilis suas occupet sedes. Ast, inquiunt, lintea Nigritarum vivis admota corporibus colore quodam bilem referente tinguntur. Fricentur linteis collum & aliæ partes quorundam hujusce regionis incolarum, opimo præsertim corpore, lintea isdem inficiuntur maculis. Ast Galli aut Alii vitam eodem sole degentes non nigrescunt. Equidem, paululum tamen ipsorum immutatur vultus color. Quod alimentorum, laborum, ornamentorum ve discrimen, quâ curâ à se illi solares expellunt radios, dum ad se decorandos alii oleosis nigrisque sese pingunt & obliniunt liquoribus, Capillis curtis ac crispis ornatur Æthiopum caput. Nullum ante nutritionem augmentum spera; cuivis capillo nutritioni sufficientem suppeditat annexus bulbus, accretioni necessariam denegat. Limphâ subtiliori continuo avolante capillaria vasa auctione defraudantur. Infantes Æthiopum semialbos nasci absque causâ miraris. Ut cujusvis gentis, sic foetus Nigrita in utero matris undique obvolvitur: inde omnibus par conditio. Per totum cutis habitum minimâ copiâ propellitur sanguis, pars limphatica cum globulosa pari fertur gradu, blando succo nutritur; atubi Æthiops foetus in lucem editur, tunc exponitur aeri calido: solis æstus cutem ipsam vasaque penetrat; hinc vasorum dilatatur diameter, cutis pori spatiantur, liberius fluere jam incipit limpha, quâ spoliatur globulosa pars; eâ paulatim siccata, aliquot post dies nigrescit recens natus. Ubi progreditur infans alimentis solidis liquidis-ve insuper recensitis parentum induit naturam, fitque tandem perfectus Æthiops.

Ergò à Globulosa sanguinis parte ad cutem appellentis, Æthiopum color.

DOMINI DOCTORES DISPUTATURI.

M. Augustinus ROUX, Regia Societatis Rei Agraria, nec non Regia Scientiarum Academiæ Burdigalensis Socius, in Scholis Medicorum Chemiæ Professor.

M. Achilles Guillelmus LE BEUVE DE PRESLE, Eques & Censor Regius.

M. Casar COSTE, Censor Regius.

M. Petrus-Joannes-Claudius MAUDUYT DE LA VARENNE.

M. Stephanus D'UHAUME.

M. Joannes-Armandus ROUSSIN DE MONTABOURG.

M. Carolus-Franciscus BOUTIGNY DES PREAUX.

M. Petrus LALOUPETTE, Regii ordinis Eques.

M. Petrus-Josephus MACQUER, Regia Scientiarum Academiæ Socius & Censor Regius, &c.

Proponerebat Parisiis MARIA-ZOROBABEL MUNIER, Parisinus, Regis in coloniis Orientalibus nuper Medicus, domus Regiæ Invalidorum Ducum & Militum Medicus à Rege designatus, nec non Saluberrimæ Facultatis Medicinæ Parisiensis Baccalaureus, A.R.S.H. 1775, à sexta ad meridiem

Typis QUILLAU, Saluberrimæ Facultatis Medicinæ Typographi.